

國朝畿輔詩傳

國朝畿輔詩傳卷二十八

長洲陶

櫟堯薊輯

錢塘吳長卿更生校

勵廷儀

廷儀號南湖靜海人杜訥子康熙三十九年進

士歷官刑部尚書謚文恭有雙清閣詩稿八卷

畿輔通志南湖由進士人翰林父子相繼直

內廷二十餘年

誠敬慎密累遷內閣學士兼禮

部侍郎院學士大功大典多

世宗憲皇帝御極授翰林院掌

年咸推明允

御書於慎平恕額賜褒之

加太子太傅晉吏部尚書仍掌司寇前後陳奏

悉關大體遇事無鉅細一本小心而廷議侃侃

不避怨不辭勞公直自矢與人交胸無城府每

薦士類惟賢與

能年六十四卒

張廷玉序公詩喜自道其性情不事雕琢辭約而旨遠其於風騷之原漢晉唐宋以來名家之芳潤無不挹也傳之後世

當與謀猷政績並垂不朽

張鵬翀序公詩才情繁發格律渾成而性情溫厚措詞和雅讀之使人油然而生忠孝之心尤長於樂府歌辭激昂磊落自寫胸臆

善哉行

陟彼高山虎豹當關涉彼大澤舟航莫攀迴車返轍棲  
眞自悅形隨世偶心與境絕拂我瑤琴寫我素心鴻雁  
蜚鳴哀不成音白露晨流紅日西投顧瞻桑榆實啟繁  
憂鬱鬱林樹青黃載路榮落無時推新代故百年如昨  
云胡不樂神仙欺人不死無藥

白馬篇

白馬黃金勒四足隨風起千金買寶刀六郡良家子朝  
齧陰山雪暮飲長城水橫行渤海一日能千里雪仇  
不顧身報主寧恤死壯士悲暮年良馬惜暮齒坐老風  
塵中窮年胡爲爾月出沙磧黃日落塞雲紫獨立橫秋  
風長嘶謝知己

升天行

浮邱跨白鳳招邀玉女扉海山復何有仙閣高巍巍飲  
我以流霞衣我以羽衣王喬顧之笑此樂世所稀朝騎  
黃麟遊暮倚青鸞飛千載但瞬息令威姑一歸城郭雖

如舊人閒常苦饑

秋懷

風淒梧自脫露滴鶴知警  
長空滿秋思高雲寄孤永  
飛鳥倦斯還退猶不失猛  
循塗乏善步利用愧短絆  
置身材不材焉知非天幸  
逍遙撰茲辰煩囂得暫屏

中秋

淒淒涼露下獵獵晚風吹  
芳花疑不開飛蟲潛抱枝  
撫節仲秋月已作授衣時  
久雨隄防失禾黍存子遺  
四野停潢潦斥鹵侵階墀  
積陰氣早寒露坐非所宜  
旣絕豐年想况徂清秋  
期褰帷對孤影蒼涼來何遲  
情親向燈

火羌笛生清悲且盡暖寒酒誰復憂朝饑  
次答瞿雲樞留別韻

淹留擬判年言別各淒然苦雨黃花後悲風落葉前蕭  
齋懸客榻匹馬度寒烟屬和知音少相思欲輟絃

秋吟

山淺浮雲盡沙寬野水歸涼宵稽客枕秋氣薄生衣解  
社燕將去依花蝶暫飛便愁霜霰至搖落送清暉

除夕

十載長安逼歲除於今情味較迂疎童心只喜年光換  
壯志偏驚歲月虛漸瀝聲催殘臘雪氤氲香繞紫宸

居趨庭叨得

天廚味又拜

新恩出重廬

宿興集題壁是日立春

小市雞豚歲事新十年重度故園春暖生茆屋韶光別  
醉覺邛醪野味真已泮河流迴淺岸欲舒堤柳拂輕塵  
祇今風景渾如昔只少椒花作頌人

重陽

白雲紅葉動關愁聊把清尊當臥遊爛醉莫題明日事  
黃花雖好是窮秋

題杜紫綸小照

樊川詩價比璠瑜索米金門貌轉癯閒對落花思往事

十年情緒似今無

譜出新聲楊柳枝才名爭羨

九重知長安花好

連鑣看莫憶江南夢雨時

戴寬

寬字敷在號裕庵滄州人康熙三十九年進士

官翰林院庶吉士有裕庵遺稿

滄州志寬大司農明說族孫幼穎悟嗜學遊天津學于劉公旭年甫冠成進士詩文新穎秀發有登吳山第一峯句云振策上吳峯人在飛鳥背吳越兩郵亭滄洲一襟帶何處辨齊州蒼苔但烟靄一時傳誦以病乞假歸年三十二卒

鹽池



築地作鹽池池光朝豔豔不聞烟火聲天地自烹鍊微風從南來雪花積璀璨上以充

君庖下以供征

繕

歲有白鹽進貢

餘波及閭閻古制良甚善不知自何年招集

來商販驕奢擬王侯奴隸視州縣計口派食鹽銷銖入

奇算百錢不盈盎况乃泥居半哀哀墟里人味不充藜

藟荷鋤者誰子

謂窳戶也

搯搯泥沒髡鹽成不敢收指揮聽

壑斷兩間有美利本爲生民便安知兼并徒奇貨思獨

擅造物忌滿盈朝廷樹綱憲不見圜圉中囚首髮覆

面君子貴知足小人戒無厭寄語謝持籌前車勿再踐

方虎舍人射獵小照

北平十月風沙黃凍雲壓地天蒼茫雪花如掌鋪琳琅  
千山萬山森劍鋌誰其獵者紫薇郎當先一騎神飛揚  
七寶之鞭珊瑚光千金之裘狐腋良并州健兒身手強  
飛鷹走狗羣相將風毛雨血南山陽百里禽獸皆深藏  
歸途絡繹懸黃羊據鞍餘勇猶激昂笑余見獵心徬徬  
故態復起狂奴狂何時得挽青絲韁短衣射虎南山岡  
男兒志期掃天狼草間狐兔不足戕

楓嶺道中

過嶺人家近村村繞石田截流通野曲架竹引山泉鳥  
下衝寒鷲僧歸破夕烟梅花應似我零亂灞橋邊

雨後東海道中

潑墨雲深雨腳斜  
又添生意到桑麻  
撲衣新綠低槐乳  
夾道清香散棗花  
古壁丹青尋野寺  
疎籬烟火見人家  
兒童指點東瀛路  
碧落晴消萬縷霞

高光宗

光宗字晉一元城人康熙三十九年進士官吏

部郎中

秋思

無邊風雨入重陽  
雁到江南處處涼  
衰葉驚殘鄉國夢  
寒砧敲破故園霜  
風連竹響從秋落  
雨帶潮聲徹夜長

片閒愁無語處楚山烟樹盡蒼蒼

胡琇

琇字文玉號兼山南樂人康熙四十一年舉人

魏嶠傳兼山素行端方守正不阿著有韞山堂四書講義易經析疑詩宗少陵間取李于鱗

古古

過倉帝廟

策馬繁泉路蒼松野廟清結繩尊古制造字啟文明傑  
閣寒雲羃荒墳夕照橫千秋懷雨粟瞻拜若爲情

王居建

居建字霞起號述園開州人康熙四十一年進

士官翰林院庶吉士有述園集

馬允剛序述園詩筆峭拔句有鋒棱無平熟之病五律元本盛唐七律學大歷十才子不雜宋元卑調

雪中蘇琰六表弟招飲

瑤花歷亂墜長空折柬招邀興不窮  
乳腳試茶烹洞芥  
爐頭煮酒酌卮筒  
叫雲笛弄桓伊月跨鶴笙吹子晉  
風愧我撒鹽無好句一腔豪興醉吟中

薄有德

有德字曰修大興人康熙四十二年進士

送別成周卜

如君那似相門胄肯約吾曹作雅游脫口清談落玉屑  
快讀妙句嗟風流疥牆匝月閒題徧羸馬三秋歸去休  
一盃前路好吟眺野籬細菊行將抽

牛天宿

天宿字戴薇號青延靜海人康熙四十二年進  
士官河南同知有謙受堂詩草

雪夜遣懷

善世奇方祇閉門無窮心事向誰論逢人競厭鬢眉古  
到處虛推行輩尊送臘可無瓶內酒迎年自有柵中豚  
老夫卒歲惟需此此外經營任子孫

王企堂

企堂字紀遠號雪坡雄縣人康熙四十四年舉人官江蘇荆溪縣知縣有雪坡詩稿四卷

史孫述序邑侯王公蒞荆一載以太翁年近期  
願請改教歸養出詩稿相示意則溫厚和平格  
則謹嚴雄渾一切風雲月  
露之態不足當其一映

水淀荷花

水淀浩無涯東西連滉漾平時水不風波面平於掌夏  
日菡萏開九令頰襟爽吾生惜景光行樂及時往載酒  
拏良朋中流蕩輕槳翠蓋與紅衣一望渺且廣人在鏡  
中遊花從塵外賞水清見游魚叢密難下網一曲采蓮

歌臨風散清響玩久不知疲坐看纖月上

紀遜宜

遜宜字廷亮號鈍翁文安人吳子康熙四十四年舉人官景州學正有五芝樓集

立秋夕過怡亭懷靜以大兄

秋信憑誰報炎涼一葉分晚烟迷竹影新月襯苔紋漫引青藜杖輕拖白練褰有懷常索寞况復是離羣

魏嶠

嶠字雲岑號念泉南樂人康熙四十五年進士官浙江錢塘縣知縣有鋤經山房稿一卷且齋



草四卷

盧文弼魏公墓誌公稟至性三歲祖母谷叔人病公侍側不少離常持已箸勸食飲必待耆然後退康熙壬午舉於鄉丙戌成進士先以家貧常客外謀養兒十餘年及登第歸二親皆年高遂不出食上必在左右偶近行值風雪家人意未卽歸將進饌公已趨而至矣連丁內外艱服除謁選乙未授錢塘縣知縣縣附藩劇稱最吏易爲姦公下車首先潔己罷民間一切供應晨夜治簿書斷理獄訟無留牘無逋情減正賦耗羨論輸租者以時輸子終不銀鐻汝析楊汝汝第勿使予不中程於是當輸者咸相勸勿累公課更嚴故時徵漕米入倉主倉吏饋官千金公笑曰彼無故而坐捐多金非人情其好不待問也自止於倉親評米高下令納者自操量畢徵吏無私焉杭駐防旗丁多不戢市物薄予之直何婦人出道上恣笑謔民病之公至輒移所同論罪遂相戒勿犯魏錢塘瀕海塘歲修費不貲時議有欲令民出家財佐公者謂紳士宜爲倡

公與海盜陳太史同年上官令往諭意公察不可卽往謁陳母不數語馳還白曰豈惟陳氏浙士皆無貲且此例一開貽患無窮事遂寢縣志自明縣令後閱八十年不修公開館延儒士搜輯成書三十六卷所識拔于童子中者如孫灝任應烈汪振甲後皆有盛名分校丁酉鄉試戊戌冬自劾去官時勢豪與民爭塋田公直民上官有右豪者公不自得力勾去無以爲辭則以庫貯前令所補金微惡及民輸錢之當易銀者未盡內二事坐虧空免百姓籲留者數千人家居十二年卒年六十有八

### 答吉敬先

尺素勞相問悠悠感別離關河爲客日風雨落花時儒術謀生拙禪機與性宜買山常有志誰寄草堂貲

### 同郝元鶴信江二丈訪孫山人

媿此塵中人來訪山中客相見了無言笑指春山色

宮鴻歷

鴻歷字友鹿靜海人康熙四十五年進士官翰林院庶吉士有恕堂甲乙遊草淮壩集

煖炕

朔野號天風射我玉肌粟朝出狐謀裘夜臥鷺拳足脛縮被生稜半牀未嫌促譬以地賂秦尺寸不可復圻者一何巧執紱定方幅東西依兩垣寬平半橫屋北戶瑾嚴威南榮就朝旭最宜列高窗取便寫文牘朝治夕以成稱名混土俗繚之青蘆灰緣以白文木施簞有餘地

兩端置箱簾不因徐孺懸難客孟叟跼朝客躡履升文  
茵疊方褥蓐食隣淮陰長跼笑籍福拔繢難比溫吹葭  
未云速壁燈滴香穗承塵燥葦束借煖活花卉收烟種  
萊菔凍螫跂欲行寒蠅癩不伏誰嘲竈下養此非厝薪  
宿惡臥兒不啼吉夢婦頻卜紙窗捲風簾非烟散遙矚  
市聲穿枕來闌坊賣漿粥爬羅出餘燼透露發新燠棄  
灰常塗高秦法不可督福過易生災寵多乃延辱炙手  
詎足誇熱中亦宜沃坂或名頭痛國如號身毒飲冰消  
煩心嚙水豁眵目抽薪冷翠釜炎涼一反覆我作煖炕  
詩主文寄忠告

枯木蘭竹圖

雷公追青蛇破空走枉矢墮此石罅中尾角半枯死劫  
火燒千年倔強具生理夫豈不材木偷生待啗羸叢蘭  
亦幽人細篠比君子結交來空谷衆芳望披靡嘉植雖  
異抱苑枯自齊軌譬之標季運卷舒各有以滄海方橫  
流端居思彼美

萬壽寺大鐘歌

鐘高三丈餘大稱之表裏鑄全部華嚴經明成  
祖時造今廟已荒圯鐘覆草棘中不懸久矣

燕邸老蛟角鬚鬚彎弓仰射天庭歛龍孫瑟縮如蛇醫  
忍驅長轂蹂江湄自矜勲伐螳軒義審音按律咨后夔

惟夔一足走且疲謂帝涼薄神所訾何用篆刻龍文爲  
欲紀功德臣請辭帝亦忸怩心不怡聊採珠藏興淫祠  
九牧貢金方軌馳鑄鐘直遣銅山移陽鑪陰炭周四圍  
千鈞萬石勞鉗錘蕤寶無射輕毫釐鼓鞀或有神扶持  
華嚴象教殊恢奇三周四會張曼詞表裏刻畫同沙錐  
蒲牢一吼鯨魚隨卽今蹲覆悲塗泥遙望猶似京與坻  
箕簋不設誰懸之噲咾發響知何時噫嘻英主多癡疵  
昭氏琴果無成虧金山疑冢猶纍纍京師有金山大師  
冢相傳葬建文處  
天壽寂寞陰風吹成祖以下諸帝  
陵俱在天壽山翁仲仆地石馬嘶誰  
提麥飯澆茅茨十龍九乳鑄者誰大鐘常有人摩挲

木庵先生壁上觀李松嵐畫松歌

松嵐畫松誰與匹，畢宏以來推勁敵。數尺根株一百盤，  
慣將拗筆摹九物。學士壁間畫五松，株株嶽立爭豪雄。  
瘦蛟蟠紙多稜節，虎脊熊腰姿態絕。老幹常捎三峽雲，  
新枝已屈千鈞鐵。風條露葉故依然，化工入手天無權。  
水墨經營極意匠，晴烟不斷青連蜷。噫嘻乎，豔藻穠花  
世所尚，吾徒冷落知誰向。無用霜皮四十圍，有時白髮  
三千丈。願君寶此後彫心桃李春，風莫惆悵。

倪雲林畫

有董思白題句

清閨閣中塵浣壁，雲林宿草深一尺。只今翰墨在人間，

一紙豈止千金直晴嵐齋中洗眼看韻高氣澹如幽蘭  
快劍無痕剗絕壁木葉半脫波聲寒華亭宗伯老好事  
卷額橫題數行字手追心摹入微茫謂是荆關落今世  
雲林蕭散誰與儔兵戈遁跡歸山邱須知人潔畫亦潔  
下視濁世罔蚍蜉

沈石田畫廬山高

有石田自題廬山高古風一首

石田老人筆有神匡廬面目爲寫真犖嶭高峯駢駢臥  
蜿蜒懸瀑蛟龍蹲更叱巨靈運神斧削出坡陀似懸乳  
哀猿下飲難攀條寒鳥歸飛愁墮羽萬古盤渦轉輪轂  
三疊水簾珠萬斛游人總向畫圖看依稀認得康王谷



何年來游支短筇  
與芒屨相過從  
會當洗耳萬山頂  
高揖五老看爐峯

牧牛詞

林豐草肥山複沓  
牛背臥兒如臥榻  
三三五五渡前溪  
麥短不妨牛踐踏  
羣兒牧牛上南原  
山花壓帽語笑喧  
採雛纔上籬邊樹  
吹笛還過花外村  
去年雨少收不足  
八口一家惟噉粥  
阿翁輸租莫賣牛  
轉眼明春生小犢  
長安馬上多公卿  
白髮仍愁世網嬰  
如雲車騎那長在  
安穩何如牛背行

楚巫詞

紙錢挂樹酒盈罇旋風陰森神下馬一村父老趨如狂  
鬼燐神燈照平野楚巫跳跟舞且歌楚姬擊鼓兒鳴鐃  
脯脩蠶蕘自狼籍烏鴉銜得升高柯楚俗從來畏淫鬼  
絳繚神衣盡紩綺一朝堂宇野火焚四壁猶存庭樹死  
香案周遭長榛棘盃琰筵簞一時失天陰日暮雨淋頭  
偶人猶作猙獰色

江州大雪寄懷韓慕廬先生

潯陽仲冬客舟過風捲雪花席片大清冷不敢開篷窗  
布被蒙頭著船臥黃頭踏市買烏薪蘂束筠籠冰雪沍  
煎茶不成且爇炭綠烟滿船起危坐須臾膈膊飛繁星

猝欲遮防更無奈過時吟膝高並肩始聽銅餅蚯蚓和  
茗椀爐香何所營聊用清詩洗寒餓鹽絮吟成不直錢  
畧似南冠歌楚些卻憶前年京洛游副將府中忝賓佐  
荷公忘年亦忘分赤幘招邀刷塵累永光寺西南市頭  
霰雪封髭泥沒踝我亦素解濁醪理百呼不一辭勞瘁  
有時漉巾盡一石有時岸幘喧四座爐頭曉日扶桑烘  
缸面青篛竹葉拖白雪當筵不敢豪朱顏得酒春先播  
風情跌宕氣如雲縱有寒威先禁呵僕來廡下沾殘膏  
馬放棧前飽新莖歸鞭不怕催更籌醉眼只愁逢夜迢  
比時膝六故依然逡巡不向尊邊墜我公文筆今昌黎

萬象直欲毫端挫爬羅剔抉啟來哲八代同時振衰頹  
殘賸一任學子乞襟度從今朝野譚不因沖謙遠聲譽  
便恐高名塞天破鯁生此腹何所有敢以頑礪求剗磨  
立雪縱愧游楊徒側席頻承珠玉唾自知才命俱人後  
廿載名場遭跌蹉飯顆吟成不自聊長門賦就憑誰貨  
青衫席帽出都門掉首三年悲轍軻柳車送窮本非策  
閩越荆吳一旋磨手版足韉宰下邑基薄墉高愁負荷  
縱有微祿供酒資未抵薄田收秫稞倦鳥無因息羽翎  
疲驢豈得辭鞍馱恩恩復作榕城游藥亂花飛沒坎壈  
今日琵琶江上舟坳堂一芥愁掀簸荒村寂寞無酒壚

敗簾哆張理詩課迴望金臺紫翠間懷人感事真無那  
賣文餬口東南州零落酒人還幾箇別來江闊鯉魚沈  
世路艱難非懶惰明年又擬踏槐花樂事歡場猶可作  
待公澣沐得餘閒醉白堂中一相賀

水車

阿香推車轉山麓馮夷春雲響空谷蛻骨瘦蛟盤古槎  
翻尾鸕鷀整復斜呶呶啞啞終日鳴不聞人語聞水聲  
造物自忙人自逸似役鬼伯驅神兵水車水車爾何利  
勺水寸波俱有稅君不見樵關直到閩海頭那得不算  
車與舟

新茶行傲樂天

六安山中種茶客來宿平塘主人宅我亦肩輿憩此間  
土牀相近蓬窗隔客子喃喃語僕夫今年寒土春不蘇  
六安山中雪一尺黃金如土茶如珠進茶例限四月一  
二月寒猶刺人骨旗槍未向雪中生檄符已自州城出  
何處南枝長粟芽持金轉買向鄰家往年一樹一金直  
今年三倍輸官茶儂家有茶十六樹里正來科種茶戶  
慳囊撲滿三百文沽酒殺雞寬旦暮明朝賣女與商人  
七尺銀鐺始脫身官火乾焙局秤大折耗錢增二十緡  
幕司齎送到銀臺蠟裏筠籠當面開通進堂官凡幾輩

樣茶一一封呈來可憐進茶未十日春雷一聲萌葉茁  
換鹽換米不直錢只今販向全椒驛我聞此語重悽然  
靈薺如今合棄捐但知桐乳和酥煮誰解分泉沃雪煎  
中朝又說武夷好陽羨茶盤賤如草頭綱入庫飽蟬蟲  
枉用僉名書進表

徐侶蒼摹古印譜歌

古時作書無罌楮以刀代筆殊覲縷標枝結繩非所安  
要以文明振聾瞽庖羲龜龍象既陳頡皇魚鳥篆可數  
蝌章初傳宣聖經穗文亦辨神農譜周官六書保氏職  
太史變文今共覲上蔡丞相作小篆千禩師承如物祖

秦火以來文字厄往往帝魯呼魚虎繹山豐碑歷劫盡  
之罘舊搗六丁取銷鑠不存三分鼎破碎誰收五熟釜  
荆山玉璽走沙漠成皋印文埋厚土後來祭酒公說文  
陽冰披搜非小補不虞鉉錯兄弟間祛妄書成譏莽鹵  
徐楚金著祛妄  
正李陽冰之誤  
今人縱復有微尙但可百千存十五齊

昌徐髯癖書畫酒闌逸興軒眉宇華門蓬戶一何有惟  
有湯盤與周鼓撫搗登封詛楚文跨斯拉籀追皇古餘  
事刻成一方石三寸精剛巨靈斧格磔聲洞錐劃沙滴  
漚形如屋漏雨巧來心手自相應鐵畫金戈出靈府蝨  
殘蠶齧須臾間輕比飄蓬重飲羽案上縱橫玉筍紋尊



前拗折金釵股彙成方冊燦星漢甲乙丹黃分兩部品  
題卻笑楚才嗇天關竹藤良獨苦識奇無復有楊雄詠  
古誰堪追杜甫我來開卷一研玩目瞪心忤手畫肚惟  
喜雲開星日懸不虞鬼泣禽魚舞嗟嗟徐君磊落人生  
茲僻陋宜孤窶楚山岌嶮楚水清風雅千年得誰主祇  
須斂手待獨鑒無用低眉求衆煦凡物固以罕爲貴未  
流蕩軼先民矩世上豐碑多若林金字刻成名已腐何  
如延陵墓碣十字強照耀千秋日亭午

玉帶生歌

楊鐵崖有七客者之寮以貯所藏笛琴管胡琴  
古甕與硯並已爲七硯紫質玉紋所謂玉帶生

也舊寶於文丞相以贈謝皋羽後歸鐵崖藏  
作志命門生張憲作玉帶生歌商邱公購得之  
亦贈以歌諸  
同人和之

胥江潮落白雁飛誰散鼉足支坤維文山獨抱硯田出  
奮筆屑涕揮雄詞蛟龍不合挂網罟虎口自脫非人爲  
三宮銜壁水怒立正氣只欠天扶持梟父得硯何所施  
用代鉛筑沙中椎魯連蹈海慶卿死女貞花葉空萎蕤  
汐社痛哭客纔散起輦谷暗陰風吹此硯閱人傳舍耳  
鐵籛老仙欣得之紫袍玉帶稱上客玉筍長句尤恢奇  
赤城霞起瀑水隔白虹影貫彤雲垂至寶縱復有晦顯  
神物要自無成虧漫堂夫子方晏坐一方輒玉磨踰糜

時平幕府罷草檄不須更替廬陵悲蟲魚草木待箋註  
門生問字來褰帷相與聯韻效鐵體踏歌更和嬉春詩  
亥秋八月送石庵先生扈從之作

七萃輪班大合圍侵陵雪色冷征衣罕車絡繹馱熊至  
緹騎參差射虎歸木葉山高人去少松花江遠雁來稀  
聖朝侯尉無中外幾處離宮帶翠微

上卿秋獮從和鸞玉帳宵聽畫角寒磴道揚旌龍馭過  
軍門疊鼓獵場寬磧沙照水痕全白邊樹愁霜葉早丹  
聞道西番猶按甲假君尺組繫樓蘭

牙槃賜與割熊肪珠勒銀鞍照地光箭響黑猿牽葉避

弓開青雁趁人忙，屢看鷄塞天邊月。又做龍堆磧外裝。  
我亦久思投筆去，幾時陪獵到長楊。

送王文在尹鄴都

地絕中原俗自醇，平都春望草如茵。揚帆初上瞿塘馬，  
斫鱸先烹丙穴鱗。兵甲銷時征戰少，雁鴻歸後版圖新。  
時流人入蜀占籍者以數萬計還朝應上賢臣頌，宣室無勞對鬼神。  
落日春山叫子規，排船琴鶴遠相隨。江分巴字劉焉國，  
錦疊巒箋杜甫詩。木佛那堪燒舍利，叢神應怕毀淫祠。  
邑有王方平廟俗云與冥司相通君名舊在靈仙錄，且與方平話見期。

閩中紀事四十韻寄姜西溟楊崱木查荊州聲山

嚴寶成吳元朗王赤抒宋堅齋團雲蔚湯西崖

史蕉飲汪文升安公

百越雄南服三山近海陲不知天隔閭坐覺地支離石

氣千秋黝波聲萬馬嘶迢迢過嶺日

仙霞嶺閩之北門杉關閩之西門

黯淡下灘時

北自浙入閩西自豫章入閩灘石蠻俗聊險惡各以百數而黯淡灘特著名

供笑方言可拾遺地會無朔雪人不解流澌草木誰編

譜禽蟲任缺疑聊因耳目暇一廣見聞資豔目堆園果

垂涎首荔枝臍臍香易落

荔枝實時遇臍則落

石背溺先萎

荔枝生蟲

如荔枝

生十二粒遇閩又多一粒名石背荔枝香時即溺溺而全枝脫蒂矣

絳葉盈筐瀉晶

丸帶葉垂

水晶丸荔枝之美種

還愁穠孕早或售互人欺

荔枝園受人直買人直

謂之璞荔有璞花璞青璞孕之別太抵以璞之遲早分  
價之高下璞時倩鄉老估直名曰互人樹主璞主爭略  
之亦可封泥活無勞置驛馳荔枝小幹泥封一二年生

實無異綳枝防護密夜燕所過則荔子一空害又龍眼唱

歌遲倩人採龍眼忍其恣啖故采佛手宜非柿齊會城外

者巖有柿一株結實如佛指柑潭州龍眼

長六七寸皮穠色味皆柿也鰕頭儼似螭儼然龍頭

大可三四觔味美如蟹螯品茶知太姥太姥峯茶咋舌羨西施西施

常有不柱剖江珧美春隨海扇移海中甲物於春珠蚌

佐羹臠小蛤石蛙長菱蕤一名龜腳蠢動憐沙隄無首

僅能蠢動觸之則縮小徐復臃腫味蹢躅笑海螭海中  
極美四明亦有之閩人呼爲土筍  
飛翔龍蝨出八月十三至十五海濱龍東縛虎螭蛇蟹

國朝畿輔詩傳卷二十八

九

大者名虎蟬蠟醬空盈甕土人重之蘭湯亦滿匙閩人以珍

不聞有毒珠娘擔石過閩中呼婦人爲珠娘言其貴重

役婦人爲之颺母踏波嬉象譯唐朝壤日本人呼中錢刀宋

代貨延建以上雕鐫疑鬼物刻畫見鬚眉雕漆器及自

家絕技如抹厲千章樹有高二三丈者猗蘭九畹姿龍

鬼工然龍鰲空其中魚魷絡簾絲魚魷蘭吳越亦

頭熟燈火燈觀者駭目魚魷絡簾絲間有之莖白葉

劍立者是也魚魷嬌則莖細如藤蜨戶泅波出礮田帶

絲力不勝花開時橫陳密葉中

火治閩地多山麓盡搏沙珠繖孕江西邱坑口撥土

粟光稍晦相傳汪革據歛巡行告廟土牛爲忠懿王之

至此有珠繖風掣落至今生珠

廟牛始魚訝連山大鯖堪一木支魚骨可作樓觀竹森如擲火

可成

曩見畫家寫竹用殊  
不意延建間實有之  
榕蔭似披帷俗習干戈便兵後尚

趨捷恥一人操硯席隨又以文事相尚至於  
夫之敬賊獲賤隸多能文者蝗苗代錢

縛壅水爲田種蝗其中螺甲透穢穰  
苗初出蠢蠢如蠛子螺甲作香卽卷舌

侏離語文身漫浪兒閩俗多  
雕青者稗官留小說淫鬼踞高祠

所祀鬼神都不可解最可怪者洛  
陽橋祀夏得海會城祀齊天大聖述異資談藪催詩倩

酒卮荒唐來絕域懷抱向京師鐘鼎諸公業山林我輩

期雖憐趨舍異未覺性情歧大海難蠡測奇聞只管窺

采風誰氏職聊用播聲詩

玉清仙子亦號珠湖居士秦郵陳氏女也精三式

之學王遁兵占尤得樞要便弓馬習騎射信異



人也近居廣陵僧行西與陳中表余因行公往  
垂簾問答者竟日數學該博詞鋒銛利三式疑  
義莫不迎刃而解繼又自言得長生之術雅慕  
冲舉因索余贈詩得絕句八首

足躡雄雷御迅風手摩丁女配王公晉陽娘子軍行處  
鼓角聲聲出地中

一丸飛劍一編書理髮薰衣畫不如寄語香衾夫婿道  
不妨金奏養鷄鵠

桃花叱撥不留行錦繡輕妝夜斫營莫訝小梢弓力輓  
射生飛箭似飛甍

場帝隄邊闌草歸謝公渚畔踏青回春風十里珠簾捲  
何處空空妙手來

名爲俠客猶敷粉喚作仙兄未離家學道從今三洗髓  
御風騎氣到天涯

一斗紅珠綴繡旗孫家小妹比雄姿劉郎不免風情在  
書到休輕帳下兒

短劍鏗然玉有痕中宵出入五侯門西園無忌千金約  
賴有如姬解報恩

掌上孤虛日昃輪笥中簾櫳自通神膏肓小立真如夢  
恐是留侯似婦人

戴寅

寅字統人又字東溟滄州人寬弟康熙四十七年舉人官江西定南縣知縣有小戴詩草

滄州志寅弱冠舉賢書隨兄官京師與吳荆山汪武曹何屺瞻諸先生遊學益進爲文詞干言立就詩宗晚唐畫仿宋元尤工填詞著有黑貂裘傳奇令定南以事罷歸素行曠放不事家人生產貧甚年五十五終

背風灘

小洋視大洋

二灘名

高下差一度漸積至背風所差已無

數其狀如垂簾其聲如瀑布盤渦偈處生怪石中流據小舟不自量揚頰激其怒前進纔二分後退已十步苟

非邀天靈咫尺安得渡船頭  
踴躍人卽境傷所遇舉手拈  
微髭注目看江樹

登崑崙山遇雨

阿母東來時造化亦遷就青  
鳥銜片石墮地結神秀雙江  
擬弱流左旋接懸溜雲氣時  
往還毫釐界昏晝况當連月  
雨空翠滴岩岫滑使樵徑失  
陣與八門奏鬼石起怒攫虬  
枝蟄暗透壓卵愁目前崩土  
懼尾後所喜兩平頭矯捷類  
猿狖時引手中藤兼掖腰間  
綬百計造厥巔一望失其舊  
滂派混洪荒浩氣連宇宙戲  
捉電尾行勢與霹靂鬬叱使  
亂雲開看徧青山瘦公程赴  
何迫片帆

挂已驟迴首望烟嵐欲往不可又

八斗嶺

齊魯未了青蓮峯勢南走一折薄彭城北門失鎖紐浩  
氣貫鳳盧彌天起重阜初似擎長蛇踏尾已見首又如  
泛怪洋驚濤跳颶母前人已躡雲後人方攀柳忽復望  
前人魚貫落谷口始知身世艱遭遇無非偶升沈不自  
由上下那關手棄置勿復除緩步古所取

龍眠山

過峽出重關轉與羣山會鳥道引籃輿蜿蜒附精怪不  
知身近天已據蒼龍背吹雲下重巖揮雨灑塵界生怕

霹靂驚一舉天無外回頭看鳳嶺靈秀互鉤帶千里一  
畫圖粉本真可愛莫漫贈公麟乾坤有小戴

自常山肩輿至玉山書所見

纔穿一山腹又轉一山背一山樹槎枒一山雲巖巖忙  
殺米襄陽四顧將誰拜

數里辭平川懸輿渡高嶺後人戴我尻前人壓我頂一  
掉勢前空寒潭落孤影

古柏

造物竭全力孤撐鑄此形如松添藥氣似石盜山青雨  
露今長潤冰霜已慣經良材兼大壽萬古傲元冥

九陽港泛舟晚宿河口鎮

九獅奔大壑一棹過林垌日夕龍門黑陰厓鬼面青橘  
州初罷市佛閣尙聞經記取南來路維舟上短亭

九獅山名

鷹潭道中

荒雞催客夢侵曉踏征塵嶺路餘千折山車祇一輪帽  
簷低礙樹潭影倒勾人莫向東山去山靈笑此身

旅夜

孤館殘燈盡燼窗落日斜河聲猶在枕客夢已還家身  
世悲蓬轉風霜感鬢華六千歸路遠強半尙天涯

多景樓感懷

無端風雨滿山樓樓外長江忽倒流海氣乍沈瓜步樹  
潮聲暗送秣陵秋六朝割據僧粗記一髮中原我欲愁  
往事傷心還極目側身天地歎浮漚

春日病中作

料峭春寒上敝裘沈郎腰瘦未關愁中年性與時情拗  
小病清教妄念收僕馬十年憑聚散文章千古聽沈浮  
便當叱犢田間去種豆鋤瓜稱黑頭

答內

知遇恩深不可違還將軟語慰秋闈官如嚼蠟卿言是  
勢到騎牆我意非甌裏齋鹽皆帶淚天涯兒女半懷歸



年年辛苦真堪泣，悔脫牛衣換錦衣。

舟中睡起望小孤山

刮枕涼颼趁綠蒲，黑甜未穩榜人呼。夢中鸞馭迴天姥，窗外螺鬟看小姑。一線褰腰雲外斷，千枝翹翠望中無。晉卿當日如遊此，不畫烟江疊嶂圖。

賈似道別業故址

一曲樓臺畫不成，當年秋壑有題名。笙歌久廢平章事，月夜還聞蟋蟀聲。三窟計多春夢短，半閒人散碧湖清。漁燈蟹火休相送，丞相餘嗔恐未平。

雨陌

山雨亂秋聲散入寒江去寒江不見人彷彿聞人渡

國朝畿輔詩傳

卷二十八

七

國朝畿輔詩傳卷二十八終

國朝畿輔詩傳卷二十九

長洲陶

樸冕薌輯

寶坻高繼珩寄泉校

芮復傳

復傳字宗一號衣亭寶坻人康熙四十八年進

士歷官浙江溫處道有衣亭詩草一卷

寶坻縣志衣亭由中書改錢塘縣知縣政聲翕然召見授溫州府知府過杭上民歡呼

守溫五年督臣以治有成效入奏擢溫處道

紅豆樹館詩話衣亭天才雋朗學有本原官錢塘時屢司分校所得皆知名士嚴海珊遂成其一也畫仿南宗骨格蒼秀句如游法螺寺云松老身生甲風多響似潮登江樓懷王仲宣云擇木有心纔去魏委身何事更依劉感懷云癡能玩世元非傲清可傳家豈患貧岳陽樓云宋絃

夜鼓湘靈瑟錦纜晴  
看楚客舟皆有逸氣

江上訪丁敬身幽居觀富鄭公辛稼軒墨蹟

宋代多名臣炳若日星列卓哉富鄭公報聘樹忠節勇  
退如稼軒氣誼何超越遙遙千百年太息遺文沒博雅  
愛丁君幽居事搜括出示篋中藏得見二公札大小各  
數行殘頁無蝕缺妙墨欲生香鉤銀畫比鐵匪徒供欣  
賞高風溯先哲世俗驚奇玩于茲棄且褻推君遠紹心  
微言永弗絕啜茗重低徊不禁狂譌發曠懷寄青雲渺  
渺江天濶

感懷

回翔浙水徧西東三十年來夢覺中  
拄笏看山真落落  
拙帆到岸太怱怱  
靈龜以甲難辭灼  
慧鳥能言在入籠  
縱有才華宜自惜  
當春試看擘花風

下灘

勢急奔騰馬注坡  
小船一丈快如梭  
順流莫道真堪樂  
樂事還從險處過

朱陵洞

朱陵洞口下飛流  
百尺珠簾挂未收  
仙女宴歸深夜捲  
碧蘿爲帶月爲鉤

聞雁

平沙淺渚耐寒霜  
叫破燕雲憶斷行  
莫怪蘆汀眠不穩  
衡湘雖好是他鄉

周人龍

人龍字雲上號躍滄  
天津人康熙四十八年進士  
官江西督糧道有居易堂詩藁

周人龍字雲上號躍滄  
天津人康熙四十八年進士  
官江西督糧道有居易堂詩藁  
初就外傳聽穎絕倫其莅官也治績冠一時  
康熙辛丑抵屯留不雨有三嵎山去城百里相傳  
其神司雷雨徒步往禱或勸乘騎行兒曰吾爲  
民不言苦也晉省耗羨重於他省提矩封一事  
尤爲閭里害兄惻然曰分釐之短非缺正供鑑  
封豸豨可提乎其勿行邑人弇鄙無文兄告以讀  
書立品之道由是士知向學壬寅秋邑東鄰

三村被雹捐賑千金民無流亡明年調知沁源  
沁邑水患最鉅一爲汾河又洞渦河在汾河東  
而東峪河在汾河西南白石溝經縣城西北又轉  
挑渠築堰邑人賴之牧忻時會西鄙未靖軍需  
旁午承辦驛隻駝屨養軍需馬千匹皆報最滿  
郡湖河公請於上憲曰臨河灘地莫若以河爲界  
黃河東遷山西地少卽將山西無地之糧歸於  
陝西黃河西遷陝西地少卽將陝西無地之糧  
歸於山西如此則糧隨地起旣無缺於正賦因  
地納糧又無累於民生現在山陝沿河二千餘  
里兩省各有湮沒之地飭令沿河州縣照糧查  
地按地過糧除鹵減之地照例題請免糧外其  
餘退水之地招令沿河居民認糧承種黃河之  
消長以漸十年一次稽查庶偏枯去而爭訟可  
息至今便之時又有丁糧歸地之舉山右已試  
行三十餘處民大稱便而紳衿富民多不悅因  
有奏言便於無力之丁不便於有田之家便於  
旧土肥沃之家不便於田土瘠薄之戶山右丁



糧多於他省，雖於田畝未免有輸納艱難者。世宗下其議於晉撫，撫查兄抗言曰：「無力之丁，家無寸土，終歲勤苦，餬口維艱，輸納多必至流亡，而丁倒累戶，戶倒累甲，是逋欠之愈在一人而受累者在衆，姓不特下累，民生久且上虧國帑，有田之民雖肥瘠不同，然地肥然後糧多，糧多然後丁銀之歸入者亦少，是不便於有田少糧少，則丁銀之歸入者亦少，是不便於有田之民者甚微，而便於無力之丁者甚大，若以爲不便於有田之民而不可行，於田土瘠薄之家而不可行，彼府土亦無知之，赤子將何以堪？平若云：『山西丁糧過多，攤於地畝，輸納艱難，夫以有力之家輸納尚且艱難，彼無力之窮黎輸納豈不艱難乎？』今爲有地之家計，萬全而不爲無力之丁求生路，殊非周急之道，亦失調劑之宜。議出，事遂定。督糧江右，創立規條，夙弊一清。南撫建三府爲糧道，兼巡地按巡，各屬歲一清，固圖寬押多所平反，密帷行部守令，憚丰采焉。乙丑病作。

告歸  
而終

舟中寄衣亭五弟

宦海分飛各一方  
西江離緒更茫茫  
南看桂嶺雲千疊  
北望燕臺樹幾行  
獨雁天涯春信杳  
孤舟江上晚風涼  
年來漂泊同鷗鷺  
翹首鵬鵬萬里翔

蔣仁錫

仁錫字靜山號青棠  
大興人康熙四十八年進士

唐諫議劉蕡

隻手思扶皇運傾  
春秋三傳論縱橫  
生前不售鋤耒志

地下何慙諫議名惡稔北司威正屬冤銜南國恨難平  
玉溪爲寫招魂句湓浦書來愴客情

張坦

坦字安士榕端孫磁州人康熙四十八年進士

官雲南普洱府知府

磁人詩安士壬辰殿試補內閣中書充武英殿纂修謁選授雲南浪穹令遷大關司馬升

普洱府

太守

燕臺雨霽憶滄陽神廟諸山

返照在高樓寥寥遠天碧殘雨化長虹斜光射疎隙積  
水漾中衢儼如兩岸坼人影向夕稠穰穰去不歇嗟我

獨何爲而亦苦勞役。緬想神麇麓石。罅飛泉脉當此六  
月天。冷然空翠積華屋。非可欣臨流數畝宅。不必絕人  
羣。已與塵世隔。敲碁石當枰。飛觴花作席。蕭散卻簪裾。  
開襟御絺綌。夕陽千萬峯。亂雲沒鳥跡。微蕨有餘甘。身  
心多異適。富貴豈能期。素襟不可易。古人秉燭遊。良爲  
寸陰惜。

滴翠巖

陰崖闢奇竅。若有鬼物據。兩壁門竿竊。擬將決勝負。岸  
垂勢若崩。岩岫形欲怒。藤蘿蔽日深。森然殊可怖。上有  
百尺泉。隨風挂高樹。激石儼清商。粲然夏韶護。雜以萬

松濤遂使五音具滴翠安足擬稍洗從前誤詩成贈山  
靈疎狂或余恕

雨花菴

雨花菴後綠天勻樓館池臺尚有春瘦筍分根穿殿壁  
凌霄借勢上松身繞欄蛛網全欺蝶翻砌花枝欲礙人  
聞說園林曾貴主繁華銷歇總傷神

歸山城感賦

繞郭青山十里斜避人野鳥起湖沙洱源出峽平開鏡  
槲葉含霜欲妬花每到歸來勞父老却從秋後問桑麻  
荒城斗大無留訟琴鶴蕭然許放衙

古渡

白日明漳河停車問古渡  
蘭若寂無人秋風下高樹

新柳詞

陌頭搖曳楚宮腰一種東風萬萬條  
占斷春前無限恨夕陽影裏赤闌橋

村行

雨過無塵嫩上車孤村幾簇野人家  
行行不斷香風送十里輕陰放棗花

王僧慧

僧慧字晉卿開州人康熙四十八年進士官山

東蒲臺縣知縣有槐園集

杏花

深院春輝麗杏花開幾叢豔分仙掌露香惹玉堂風似  
綺窗窗亂如霞覆砌紅託根方得所不肯逐飛蓬

查爲仁

爲仁字心穀號蓮坡宛平人康熙五十年舉人  
有蔗塘未定稿六卷外集八卷

鄭方坤名家詩鈔小傳爲仁十九舉鄉試第一  
是爲康熙之辛卯科主試者武進司農趙恭毅  
公也公故以革銅商事與執金吾陶和氣相水  
火欲甘心焉謂榜首固富人子且少年名不出  
里閭是奇貨可居遂鉤致以興大獄鍛鍊既成  
而心穀當死罪長繫請室越八年始邀矜釋心

穀固才士既顛蹶無生理乃就白雲司葺板屋  
數間日讀書其中榜曰花影菴張得天向書至  
稱爲唐子畏後身而歎其有才無命旣出獄結  
園沽水之西津門爲水陸交衝去京師十舍而  
近冠蓋相錯賓至如歸投轄贈鞭徵詩對酒高  
宗山孝廉有東山麗句諧絲竹北海名賢共酒  
樽及甲部擬經丁部史紅兒記拍雪兒歌之賦  
三復微哦猶令人想見名士風流太平盛事  
查慎行序猶子心穀從患難中發憤讀書所爲  
詩多與古人相頡頏而出之宛轉蘊之遙深庶  
幾香草美人  
共成千古

陳鵬年序蓮坡承其家學當險阻萬難時輒以  
詩寫其鬱勃見之者咸以爲憊蓮坡獨能處窮  
而平之含毫渺慮雖察察懷霜神明自勝  
其詩藹然廓然非涵養至深曷克致此  
符會序查君心穀奉白華之養結園沾水之西  
臨流植援閉門疊石賦夕烟於琴幌吟曉日於  
書牀氣和而色淡志逸而神恬得意魚鳥之間  
忘情塵壒之外要其澄懷專注雅思獨存良足



自見其胸臆也

萬光泰序蓮坡少具不羈才掉鞅省門一蹶不振遂絕意華黷類首書寫作爲詩歌以自娛其發爲言也和愉而不流疏亮而不迫俯仰自適而無牢愁沈抑之思所謂窮達一致而深于道者非耶

袁枚隨園詩話并平日久海內殷富士大夫慕古人顧阿瑛徐良夫之風蓄積書史廣開壇坫揚州有馬氏秋玉之玲瓏山館天津有查氏心穀之水西莊杭州有趙氏功干之小山堂吳氏尺璧之瓶花齋名流宴詠殆無虛日許珮璜刺史贈查云庇人孫北海置驛鄭南陽其豪可想王昶蒲褐山房詩話蓮坡先生早賦鹿鳴被許得罪數年而後得釋因發憤讀書博通典故所居天津水西莊貯書萬卷南北往來名士如萬石坡厲樊榭趙飲谷等無不攬環結佩延主其家相與覃研詩詞書畫其所娶金夫人含英亦軌風雅人望如仙其集中句如地偏人跡斷潮

定水痕深落花寒食節飛絮午晴天晚徑黃花  
開有色曉程殘月落無聲一榻茶烟留客話半  
簾花影枕書眠皆中晚唐妙句也今下世四十  
餘年而莊亦改爲公廨矣先生弟儉堂與子交

善而予遂撻給事爲予同

年故得其風流好事如此

紅豆樹館詩話海寧查氏代以詩名後占籍宛

平宗風猶能不墜蓮坡居士其尤著也隨園詩

話載其句云風愁撼樹響鼠厭簾錢聲爲問亭

邊三五樹春來花發幾多枝然佳句尚不止此

五言如坐深涼意滿吟苦樹陰移夢回春樹外

花落午晴初斷崖松影合僻巷犬聲隨七言如

客子吟鞭隨雁後故人歸信在梅先青鸞已杳

難傳信芳草多情易惹愁功名可笑同槐園日

月唯應入醉鄉晚飯香芹烹鴨脚小池新水長

魚苗客來共試中山酒秋到會無一日晴曲水

橋迢芳草外夕陽樓倚老松顛小拓茶寮斜倚  
石別開棋閣畧栽花時序驚心寒食近風光轉  
眼少年非春淺蘆芽方坼蘊日晴水髮自拖藍  
鶯老花殘春寂寂酒消香冷夜厭厭小艇孤燈

人獨臥秋風黃葉雁初來開尊北海猶初志射  
虎南山感昔年此心住世仍忘世過眼新人非  
舊人春色淺深簾幙外樓花消息酒杯閒皆情  
新微婉耐人尋繹蓋蓮坡嘗學詩於初白菴主  
又與厲太鴻杭堇浦萬柘坡汪西灝諸君子遊  
故一洗粗獷膚廓之習歸諸雅正讀者可識其  
得力之所在矣

### 寄懷

憶與君別離乃在河之湄東風吹弱柳飄揚不自持香  
車屢回顧春帆任所之信宿到揚州家家烟火樓平康  
善歌舞公子多淹留我感夙昔恩苦吟達天曙不作隨  
流花但學沾泥絮采苓首陽顙人言苟無然至今猶抱  
柱辛苦悲流年願君光明心鑒取金石堅

東甘澗

澗水搜石根土盡石傾倒積久成懸厓  
凌空勢夭矯雲凝洞口寒日射行人小  
推門不見僧石共松俱老沙彌知客來  
相餉粟與棗深山無俗機淳樸古風好  
靜極理自通會心殊不少笑語同遊人  
此間堪結草

上方寺觀熊羆峯

招提千山中流泉對門瀉傍立熊羆峯  
卓立四無藉未許土花斑渾如沈濯罷  
何年劈鬼斧寒雲出其罅澗痕萬古留  
松形老將化傳聞虎夜來躑躅此峯下  
禪師能伏之時以飯相迓聽罷駭常聞  
塵露灑然卸

訪昭然和尚草菴不得

人事有代謝彈指成古今去者日以遠來者苦相親  
緬彼草菴叟鑿翠居高岑晚景憩嘉樹朝暉晃鳴禽  
語默皆入妙山水曠其心今來三十載斷絕瑤華音  
徘徊巖壑裏仙源不可尋落日隔暝水負此春晝深  
孤雲飛曠野雙鶴唳岩陰相思空延佇何以豁幽襟  
仰天成一嘯流水鳴前林

賞雨茆屋圖爲吳驥調題

朱樓翠箔春夢破雨聲到枕憂無那亦有清歌水閣頭  
蕭蕭入夜迴含愁何如達士十椽屋不種繁花種梧竹

就中喧寂兩俱忘爽氣盈襟抱卷讀

重來

衡門兩板先生住重來不得重歡聚沿堦春草太無情  
夕陽滿地青如故記得年時同覓句樹頭催送瀟瀟雨  
淒絕黃公舊酒壚招魂難問青楓路

西灝以新輯西湖志見貽述懷奉答

西湖周遭三十里潏潏波光清見底三面山環東倚城  
就中佳處難爲指昔年會上總宜船選勝尋幽事事便  
寒香破萼探孤嶼素魄澄輝憩冷泉流光過眼如炊黍  
卅載清遊一仰俯時時飛夢繞孱顏月計依稀十有五

前年有客湖上來告我風光口爲吟葑雲盡捲菱田拓  
倒浸羣峯冰鏡開去年又得錢塘信傳說六橋花作陣  
弱柳縈烟翠帶長天桃漬雨脂匳潤弱柳天桃無處無  
蘇公堤畔錦模糊樓臺小李丹青筆花鳥徐熙落墨圖  
我時聞之陡神王便擬乘流到江漲塵網千絲吹不開  
坐愁行憶空惘悵故人特爲起膏肓什襲圖經遠遺將  
解綰急展麝牀足細讀頻消蠟炬光饑似分嘗玉文棗  
癢如倩得麻姑爪巾子峯頭挈榼登客兒亭下支筇眺  
以遊三日又長歎畫餅何曾得佐餐終須卜築西湖去  
暮暮朝朝把釣竿

春夜曲

當階羯鼓催春風，珮環回轉聲丁東。  
龍脂燄熱吐十丈，高臺照耀胭脂紅。  
芙蓉肌弱霓裳薄，衣怯春寒護羅幕。  
一串珠喉宛轉歌，地衣蹴蹋梁塵落。  
整鬢收鬟作態遲，迴身旋舞小腰肢。  
滿堂絳竹八聲寂，十二闌干月墮時。  
生年滿百何曾有，昨日少年今老醜。  
勸君莫惜秉燭遊，更進葡萄一杯酒。

和方屏垢水部秋日雜咏韻

髮已隨時短，愁應共夜長。  
酒無千日醉，事有百年忙。  
未了償詩債，無端負劍光。  
草廬猶夙昔，人自別南陽。



送履方之太平別駕任

憐子成瓠落喜爾獨崢嶸勿謂閒曹令須酬一命榮當  
官勤撫字爲政重廉平好慰高堂望因風數寄聲

過村舍從野人飯

望裏秋原爽門臨碌礪場深林殘照入曲徑晚花香村  
酒沽清醪園蔬摘矮黃留連如意舞歸路月迷茫

青溝懷拙菴和尚

聞說青溝好相將渡碧溪到門山色淨繞屋水聲齊巖  
隙穿松鼠林端叫石雞老僧何處去只有白雲棲

同友人集空谷園

郊居塵壚少幽訪共沿回柳下孤篷泊花間白板開高  
人還醉臥稚子識曾來小立窺鷗鷺忘機客不猜

上元前三日次離相主人韻

空庭小立聽春禽觸忤閒情憶舊林竹籬絲豪前度事  
香殘酒冷此宵心愁看盈闕難邀月怕說虧成不鼓琴  
孤負傳柑好時節青門花雨夜來深

水西閒居

積潤苔痕綠滿庭此間又度一清明擬將舊咏閒中改  
無那新愁望裏生楊柳著烟眠未起海棠怯雨夢初驚  
扁舟若許歸湖海欲問沙鷗共結盟

入山

行來石路漸高低，馬避危橋渡淺溪。  
樹裏人家時隱見，洲邊芳草半萋迷。  
身因出世方知散，詩爲尋山著意題。  
從此不須愁道阻，穿雲入樹好攀躋。

秋夜病中述懷

巷尾迢迢報柝聲，虛堂如水斷人行。  
雲移一朶月吞吐，竹嘯幾枝風送迎。  
不向枚生求七發，試從麴蘖覓三清。  
調糜煮藥經旬臥，白髮蕭疎又幾莖。

漫興

惻惻餘寒漠漠烟，且長風細自年年。  
人來上國看花地，

雨近清明潑火天一握柳絲縈黯淡數聲燕語劇纏綿  
邇來旅恨無些子參得如來歡喜禪

送調元由中州至江南

西風捲樹葉颼颼送爾登程事遠遊客裏爲家還作客  
秋來覓句恐驚秋行看驛路黃花綻好訪淇園綠竹修  
若過樊樓燈火夜莫因歌舞久淹留

答王雨楓見懷原韻

記送驪駒花滿津柳橋歸去又經春離情每逐院陽雁  
芳訊俄傳上水鱗廿載冰霜偕計吏幾時邱壑結比鄰  
尋思花影庵中事燈火蒲團一愴神

懷榆堡

大好家居榆堡莊年來生計託農桑  
一池屋後藕花白幾稜門前菰米香  
斜日提壺評酒價秋風戴笠上漁航  
如何百里成修阻也似尊鱸歸夢長

李仁山將之汴城率寄一絕

開道仁山賦遠行秋河望斷水盈盈  
此身安得如明月一夜隨君到汴城

東竺庵枕上聞雪

花影頭陀帶髮僧連朝杖履爲山停  
偶來東竺庵中宿雪打寒窗一夜聽

重過上谷感舊

天邊歲月留難住  
人世滄桑感更多  
幾度沉吟思往事  
風華情思總消磨

丁家窪

青青不斷柳遮門  
門外流泉百道奔  
行過石橋疑路盡  
酒帘斜出又逢邨

春雨

風風雨雨到黃昏  
檻外丁香合斷魂  
遙憶西園橋下水  
夜來應更長新痕

雨後藕香榭看荷

半晌輕雷過野塘依然樹杪染斜陽  
粉紅半褪當風立似試華清第一湯

冬盡日

人人競說春光好我戀嚴冬日日晴  
怕到東風二三月落花飛絮愴人情

小園道中

村園門巷半沾泥蠟屐來遊日未低  
一陣聚花香裂鼻和風吹過板橋西

張塏

塏字朗士號濟巖磁州人榕端孫康熙五十年

舉人官刑部員外有求我堂詩一卷

萬經張君墓誌君性篤孝母劉太宜人病君視  
湯藥不交睫者累月居喪毀瘠侍聞學公校士  
江左與東南勝流往復辨證上下其議論學益  
日進中鄉試以恩例授刑部陝西司員外君  
天性豈弟至是益以矜恤爲已任遇命盜重案  
覆閱再三大司寇廉君仁恕屬以青海獻俘諸  
大獄獄上稱平往重囚爲隸卒所虐多瘕死君  
稔知其弊日必詣獄省視終君任囚無失所者  
周師德序齊巖先生覃研經史其詩冲夷恬  
淡神以香山時復兼歸田鋤南諸集勝處  
徐佩蘭序先生學問高出世俗詩  
發於性情閒靜蒼秀神與古合

攜兒輩西園看芍藥

園林花盡歇芍藥殿春紅不厭晴霞襯寧憂晚日烘開  
樽無客賞繞徑有兒同盡醉方歸去徐行趁柳風



東園卽事

春事將殘蝶亂飛東園閒步踏芳菲  
藥欄含豔香徐吐梅子垂青顆  
漸肥隔院聽鶯林氣靜支窗看水市塵稀  
一年好景春居半恨我蹉跎百事違

程可式

可式字松村香河人康熙五十年舉人官河南  
河內縣知縣有來山堂詩鈔八卷

沈青崖序松村先生蚤入藝林甫冠登賢書連  
不得志於有司與余同纂古今圖書集成十年  
散館後余改官西清越二年先生亦特擢舍人  
奉使西蜀事竣授河南縣令所蒞有聲未幾  
歸田丁卯冬晤於梁園乃增嵩雲涉江東野三  
集其志趣所尚情隨環境遷性與理洽施之於館

閣政教閒適  
覽靡所不宜

龍泉山曉行

天半聳奇峯攀援入宵眇行行破層雲霽色欲開曉夜  
露滑苔蘚徑危人跡少俯覽一憑高始覺衆山小竹木  
競紛披雜花亦繚繞絕頂有靈泉涓流聲潺潺愈下愈  
奔騰萬壑勢傾倒巖幽聞龍吟澄碧秋潭老盤陀自崔  
嵬劍闕何天矯千里亘連綿此中資探討

自瀘發江安途次口占

瀘水分行日江安入路時獼猴春聚嶺杜宇夜啼枝到  
處山爲徑終朝雨作絲天南萬里外縹緲白雲思

秋日宿沙門

驅車向古道落葉滿橫塘爲念風塵吏潛增鬢髮霜我心原澹泊人意覺炎涼茅屋挑燈處深秋夜正長

瀘州開福寺樓

全瀘勝槩借憑欄一榻高橋萬象寬山勢盡從雲外出江流祇向座中看塔鈴搖蕩風嵐暗叢竹蕭條夜雨寒西眺武侯祠儼在至今生氣有龍蟠

城西寶山上有武侯祠

蘭陽懷古

蘭陽自是古東昏萬壑奔騰赴海門漢相已無留鳥在秦皇空有舊臺存荒烟野樹迷韓冢零雨淒風暗馬村

爲億興衰千載事白雲山下一銷魂

放衙後寄興

單懷官署倚城東屏列青山四面同  
小院春融鳴翡翠  
層樓畫靜隱簾櫳幾行修竹蕭蕭雨  
數點寒梅習習風  
放罷衙參無一事敲詩時向月明中

沈殿輝還陳州

纔唱驪歌意已馳桐山如黛柳如絲  
安排後夜高人榻  
好誦遊艘聽雨詩

王履吉

履吉字慶旋吳橋人作肅子康熙五十年舉人

官內閣中書有修修齋詩草

旅中九日

長途逢九日車馬滯天涯人寂孤燈小秋空片月斜殘  
尊茅店酒叢菊故園花漫道風霜苦高吟興自賒

憶滑臺復初齋梅花

東郡梅花早檐前計已開不知疎影畔杖屨有誰來

申程章

程章字實夫號西村磁州人康熙五十年舉人

官江蘇淮安府知府

磁人詩公十九入州庠康熙辛卯舉人考授內  
閣中書改光州學正雍正丁未河南學政王公

薦於朝召對養心殿稱旨加知州銜授海寧縣未半載特招淮安太守宰寧邑時王大成爲安化王裔徐雲卿爲邑巨室僕大成訴雲卿營室掘發王墓後察墓非雲卿營宅所爲直其事及守淮安清河李某田中夢爲生員張亢馬踐食鄉里令張出麥償張不與李誣張朴死其女也令鬻張於獄公爲平反而出之其虛懷詳訊類此

奉和友人九口登高原韻

荒巒秋老暮雲平與客來遊倒玉觥霜葉有聲人上下  
寒沙無際水分明纔憐蔓草遮殘碣又見昏鴉散古城  
最是千秋留賞地得拋愁處卻愁生

鄭灝

灝字希淳南宮人維孜子康熙五十年舉人

南宮縣志影十六入庠康熙壬午中副車  
辛卯領鄉薦嘉獎後進從游者踵相接焉

卽事呈家大人

厚祿非吾事天倫樂白真同堂園四世繞膝各三人挂  
杖看嬉戲拈鬚釋怒嘆隨時調藥餌珍重百年身

鄭宏慶

宏慶號裕菴南宮人預子康熙五十年舉人官

河間縣教諭

南宮縣志宏慶少隨其祖惟孜於京邸爲孫子  
未先生所器重予未山左鉅公於人不輕許可  
獨與宏慶爲忘年交弱冠領鄉薦三任教諭嚴  
考課教士習所至有聲年六十九致仕好讀書  
暮年猶手不釋卷與至輒記諸詩以見志註少  
陵詩凡三易彙采輯本邑事蹟分類編集續前

明邢子愿邑志簡嚴有法

司鐸宣化寄居僧舍作

千里爲儒道亦尊打頭學舍盡頽垣偏開方丈容函丈  
半借山門作聖門縱有文情分幻境奈無講榻辨眞源  
終朝宦况同僧味戒受宣尼共討論

高澤泓

澤泓字靜涵靜海人康熙五十一年進士官主  
事

立秋

年華驚過半碌碌復空忙野菊臨窗綠殘荷墜露香無



才甘守拙學忍是微長且盡今宵酒羅衣透體涼

舒大成

大成字子展宛平人康熙五十一年進士官翰

林院檢討有試墨齋詩集

藤陰雜記舒太史子展摩訶菴看杏花詩一時  
傳誦程魚門晉芳王申到菴惟見棗樹已無杏  
花作詩云玉堂舊客題詩處野剝離離放  
小紅三十年來人事改棗花香細月朦朧  
別裁集作者五言應得力於唐賢三昧  
風味近劉賡虛不能用多能用少也

自城子山還宿白家灘贈主人

到山日亭午雞鳴桃花村啁啾原隰廣藹藹桑麻繁展  
眺興方永卽事情彌敦盤餐古時俗作息平生言際夜

轉清閨明月來南軒撫時寧不惜勞生焉可論當須遂  
夙願與君采芳蓀

山行

杳杳雲外鐘原陸颯已晦寧知沙際月復與前峯對墟  
落有歸人烟蘿聞犬吠

柬靈臯先生

伐木廢千載勞者方感歌叩須良有繫觀善匪在他大  
道無隱晦斯文流江河先民重邁征所戒惟蹉跎春風  
迴歲律芳色滋庭柯喟然慚所欽去日何其多

當時

玉筍嚴催金叵羅當時歡會總如何燕辭華館無回信  
葉落橫塘有去波曉日軒窗閒夢少晚涼庭院別懷多  
露桃花下三年客腸斷秋來一曲歌

重過摩訶巷看杏花

花發誰能認舊枝曲欄深處獨凝思二年蹤蹟同游少  
三月風光再到遲莫遣壺觴虛後會已輸蜂蝶識前期  
嫣然一樹留人久又是黃昏欲去時

王鈞

鈞字爾陶高陽人康熙五十一年進士官浙江  
青田縣知縣有松露堂彙四卷

王頊齡序爾陶以壬辰進士奉

俞協纂

月令輯要有年令安福三載簿書映掌不廢肅

歌誠仕學兼優者雖茲所寄皆其未膺民社時

言志之作而寒素家風儒林雅望固已鼎嘗一

衡豹窺

一血矣

紅豆樹館詩話松露堂詩近體勝於古體五言

如魚腎懸野岸春艇繫孤村入夜衆禽靜先秋

一葉知車輪和鳥渡馬首破雲來七言如風信

過林攜暮雨濤聲浸枕入孤舟世味過濃難耐

久交情能淡始成真酒醒子夜人千里秋入盡

聲雨一簾又哭艾兒云眼枯易竭分離淚緣盡

難灰父母心罷官北上云得比陽城書下考幸

容彭澤作歸人置之晚唐人中當與黃滔杜荀

鶴相

伯仲

### 別內子

相看明日別兩地總傷神辛苦貧家婦艱難客裏身懷

中三歲子堂上五旬親調護全憑汝無勞念遠人

蛩聲

秋涼蟲語亂唧唧出牆陰明月啼何急寒霜怨自深  
離人千里夢織婦五更心獨坐空堂夜愁聞繞砌吟

砧聲

何事驚殘夢寒砧處處悲孤村霜落後深院月明時  
響細疑無力聲停若有思可憐淒楚調不遣玉關知

哭桂霜二子

策馬風塵路歸來客思牽衣裳餘故物啼笑憶當年  
泉下悲長夜人生歎逝川舉家燈影裏相對各淒然

繞膝萱闈下含飴樂未央鍾情惟二子灑淚近千行寂  
寞秋燈暗淒清夜雨長五旬堂上毋爲汝髮蒼蒼  
幻景因恩到朦朧聚首時願將今世夢卽作再生期離  
恨三更滿啼痕一枕知斷腸言不盡聊續杏殤詩

古北口早發

北口重門啟征人路正長亂山當馬首一徑入羊腸曉  
月臨關迴秋風出塞涼停車尋酒舍穿樹有燈光

都門夜雨感賦

金盡誰相問飄零笑此身何堪秋夜雨仍是異鄉人謝  
客休文病謀生仲子貧白雲親舍遠遙望一沾巾

三間房

萬仞纔過嶺三間又見村林巒藏板屋雞犬散柴門山勢迎人立溪聲戰石喧僕夫嗟况瘁日暮且停轅

冬夜與李繼可言懷

鐘沈風靜月光微翦燭臨窗夜掩扉十載藏錐餘穎在中宵看劍壯心違逢場莫問浮生幻閱世方知吾道非  
燕趙悲歌饒氣概平居豈肯志輕肥

宣平道中口占

曳嶺峯高到十分枯藤礙足亂紛紛翠微折取筇枝杖  
劃破林梢一路雲

勞筋暫息坐岩旁  
小試吟哦興正長  
何處寒梅開不盡  
東風吹出隔溪香

春柳

含烟搖曳水西頭  
青眼纔開慣惹愁  
別恨絲絲消不得  
斷腸人倚夕陽樓



國朝畿輔詩傳卷二十九終